

### 舍利弗品第二(十偈)

吾為仙閑居	於彼見沙門
辟支佛之尊	身著絳衣被
觀之心歡喜	為之浣衣服
復為縫袈裟	數數為作禮
彼則愍念我	便飛虛空中
上下出水火	須臾忽不見
我即時叉手	自心作是願
令我得如是	聰明大智慧
莫令生豪家	亦勿生賤種
常生于中家	志多作沙門
用是功德故	吾以五百世
常獲致人身	世世作沙門
於是最後世	復還得人種
以值見正覺	導師無有上

則辦為沙門	於釋師子所
成就阿羅漢	清涼而滅度
今世尊目前	於比丘僧眾
論我智慧上	轉于正法輪
舍利弗智慧	於比丘眾前
阿耨達大池	自說本宿行